

Nuwe Lied Bediening

En Hy het 'n nuwe lied in my mond gegee, 'n lofsang tot eer van onse Elohiem (Ps. 40:4)

E-pos: kontak@nuwelied.info
Webwerf: <http://www.nuwelied.info>

*Yeshua is die Boom van die Lewe. Wanneer ons die Torah bestudeer moet ons onthou dat Yeshua Messias die Lewende Torah is – die Woord van YHVH wat vlees geword het. Hy is die weg na die waarheid wat lewe gee – die Lewende Manna wat uit die hemel gestuur is. Sonder Yeshua wat deur die Afgesonderde Gees in ons, en deur ons lewe, sal die geskrewe Torah net die dooie letter van die wet wees!!
Yeshua is die hart van die Vader!*

Parashah 45: Va'etchanan (וַאֲתַחֲנֵן) – En Ek Het Gesmeek.

Ek het in dié tyd tot יהוה gebid en gesê 'O, Meester, יהוה, U het begin om aan U dienskneg U grootheid en U magtige hand te wys, want watter god is daar in die hemele en op die aarde wat werke en magtige dade soos U s'n kan doen? Deut. 3:23 en 24 – PWL.¹

Torah: Deut. 3:23 tot 7:11.

Haftorah: Jes. 40:1 tot 26.

Nuwe Verbond: Matt. 28:20; Open. 22:14; Open. 22:18 en 19; Rom. 7:12; Efes. 6:4; Rom. 1:18 tot 25; 2 Pet. 2:20 tot 22; 2 Kor. 6:17; 1 Pet. 2:9; 1 Kor. 6:19 en 20; Heb. 12:18 tot 29; Joh. 14:15,21,23; Mark. 12:28 tot 34.

Hierdie notas is aanvullend tot die vorige notas vir Parashah 45 wat afgelaai kan word by: [Parashah45Notas14](#) of by [Parashah45Notas15](#).

*Always, we go forward! Elohim ONLY leads FORWARD. He never leads backwards, especially not into the waiting arms of our enemy! People wilfully go backwards because of lack of faith, purposed or religiously-inspired disobedience to His will, or from pure stubborn reasoning that has nothing to do with anything but self-centered "flesh"
Our Elohim does not make things easy for us. He deems suffering a blessing to free us from our sins, wrong attitudes, and rebellious nature, so that we will submit to Him with all our heart. After all, He is Elohim – we are not! Suffering is what grows us up, strengths us, and prepares us for the future.*

¹ Alle teksverwysings is geneem uit PWL Vertaling, behalwe waar anders vermeld. Die PWL Vertaling (Pad van Waarheid tot die Lewe) kan gratis afgelaai word by www.padwlewe.ch, maar is ook in gedrukte formaat beskikbaar. Om 'n kopie van die Bybel te bekom kan Gerrie Coetzee per e-pos by padwlewe@yahoo.com of telefonies by 074 361 2134 gekontak word.

We're always in Abba's school! Just like in the world's schools – we learn, then we are tested on what we learned. If we fail the test, we have to go back and re-learn and take the test again! Graduation Day is at the return of Messiah! – Yedidah.

Midrash (Torah Bespreking)

Israel se Geloofsbelydenis

Die sleutelteks in hierdie vyfde boek van Moses is Deut. 6:4.

Luister, hoor en doen Yisra'el, יהוה is ons God; יהוה is Een.

In Hebreeus word dit soos volg geskryf en getransliterereer:

שמע ישראל יהוה אלהינו יהוה אחד

Sh'ma Yisra'el, Yahuah Eloheinu, Yahuah egad

Ten opsigte van Deut. 6:4 is dit ook belangrik om die betekenis van die woord *Israel* te verstaan. In Hebreeus word dit geskryf: ישראל (yud, shin, resh, aleph, lamed – van links na regs) en getransliterereer as *Yisra'el* en beteken; *Yisra'* = Hy sal heers en *El* = Magtige God. Daarom kan ons Deut. 6 :4 ook soos volg skryf:

Luister, oor wie Hy heers as Magtige God (Yisra'el), Yahuah is ons God, Yahuah is Een.

Deut. 6:4 is die intree-opdrag tot enige ander opdrag wat God gee. As YHVH (Sy Karakter en Outoriteit) nie erken word vir wie Hy is nie, dan sal mense Hom nie gehoorsaam nie! Dit sluit aan by, en bevestig, die eerste gebod, naamlik:

Ek is יהוה, jou God, wat jou uit die land van Mitzrayim, uit die huis van slawerny, uitgelei het.
Ex. 20:2.

Gehoorsaamheid is om die Karakter en Outoriteit (die Naam) van YHVH as die Oppergesag te erken en in nederige onderdanigheid te respekteer. YHVH is die Magtige God wat ons uit die slawehuis van sonde bevry het om Hom in die wildernis van hierdie wêreld volgens Sy onderrig en instruksies (die Torah) getrou te dien!

Deut. 6:4 staan bekend as die *Sh'ma* en is die geloofsverklaring van die ware Israel, naamlik van elkeen wat glo en bely dat Yeshua die enigste weg tot versoening met YHVH is! 'n Geloofsverklaring dat YHVH die enigste ware en lewende God is en dat gehoorsaamheid aan YHVH se onderrig en instruksies op grond van liefde is, want Deut. 6:4 word opgevolg met hierdie woorde in vers 5:

Jy moet יהוה, jou God, liefhê met jou hele verstand en wil en met jou hele lewe en met al jou vermoëns.

In die 1933 vertaling begin hierdie vers met: *Daarom moet jy YHVH jou God liefhê.....* Daarom kan verse 4 en 5 beskou word as die geloofsbelydenis van die ware Israel!

Die *Sh'ma* is die eerste gebod van al die gebooie! Yeshua het dit bevestig, en selfs uitgebrei, toe 'n skrifgeleerde vir Hom gevra het wat is die eerste gebod van almal.

Een van die leraars van die wet, wat nadergekom het en gehoor het wat hulle bespreek, sien dat Hy hulle goed geantwoord het en hy vra vir Hom: "Watter een is die eerste opdrag van

almal?” Yeshua antwoord hom: “Die eerste van al die opdragte is: ‘Luister, hoor en doen Yisra’el, יהוה is ons God, יהוה is Een’ en: ‘jy moet יהוה, jou God, liefhê vanuit jou hele verstand, wil en emosie; vanuit jou hele gees; vanuit al jou begrip en verbeelding en vanuit al jou krag.’ Dit is die eerste opdrag en die tweede, wat net soos hy is, is: ‘Jy moet jou naaste liefhê soos jouself. Daar is geen ander opdrag groter as hierdie nie’.” Mark. 12:28 tot 31.

Ons *Sh'ma*-belydenis moet opgevolg word deur die getuienis van liefde vir YHVH en liefde vir medemens wat deur gehoorsaamheid aan YHVH se Torah soos dit in Yeshua volbring is, bevestig word.

Hieraan weet ons dat ons Hom ken, as ons Sy opdragte uitvoer. Hy wat sê: ‘Ek ken Hom’ en Sy opdragte nie uitvoer nie, is ’n leuenaar en die waarheid is nie in hom nie, maar wie ook al Sy woorde voortdurend uitvoer, in hom het die liefde van God waarlik volmaak geword, want hieraan weet ons dat ons in Hom is: hy wat sê dat hy voortdurend in Hom bly, vir hom is dit nodig om so te leef soos wat Hy geleef het. 1 Joh. 2:3 tot 6.

Hieraan weet ons dat ons die kinders van God liefhet: wanneer ons God liefhet en Sy opdragte uitvoer. 1 Joh. 5:2

Hieraan sal almal weet dat julle My studentevolginge is, as julle liefde vir mekaar het. Joh. 13:35.

A talmid, or disciple, is not a person who wishes to know what the teacher knows. Rather, a true talmid is a person who wants to be what the teacher is, and do what the teacher does.

Yeshua was obedient to Torah every moment of His life, not because He had to be, but because he chose to be. As talmidim of Yeshua, we should strive to live our lives the way he lived His life, not because we have to, but because we choose to – because that should be the desire of our hearts (FFOZ).

In vorige notas van parashah 45 is die betekenis van die woord *sh'ma* bespreek, maar ek wil dit weereens kortliks herhaal soos Bill Bullock dit verduidelik:

Sh'ma volgens Hebreeuse denke beteken:

- *Listen, and pay full attention, as if your life depended on it; AND*
- *once you have paid attention, and have heard what is said, begin immediately to incorporate what has been said into your life, AND*
- *adapt every aspect of your thought life, speech, and conduct to what you have heard, AND begin to meditate on and memorize it, AND*
- *teach it to your children AND*
- *walk it out tangibly so as to demonstrate it to the world, until you, and the world around you, is transformed into the image of the words you hear.*

In die lig van bogenoemde kry 'n Skrifgedeelte soos Deut. 28:1 en 2 vir ons nuwe betekenis:

Nou sal dit wees, as jy יהוה, jou God, ywerig gehoorsaam (sh'ma), deur versigtig te wees (sh'mar) om al Sy opdragte, wat ek jou vandag beveel, te doen (asah), יהוה, jou God, jou sal oplik bo al die nasies van die aarde. Al hierdie seëninge sal oor jou kom en jou oorweldig as jy יהוה, jou God, gehoorsaam.

Die Hebreeuse woorde *sh'mar* en *asah* voltooi vir ons die betekenis van *sh'ma*:

- *Sh'mar* is om te omhein (soos met dorings), om wag te staan, om te beskerm, te bewaar, ag te gee daarop, op te let na, noulettend te wees, op jou hoede te wees, te handhaaf, te hou (soos om gehoorsaam te wees).
- *Asah* – te doen, uit te voer, te vervul, te vorm, voor te berei, te maak.

Om te *sh'ma* is dus om te hoor wat YHVH sê en dit te bewaar (*sh'mar*) en om presies daarvolgens te handel (*asah*). Dit is om onvoorwaardelik te glo tot die mate dat enige vorige denke, houdings, prioriteite, menings en geloofsoortuigings daarmee te vergelyk. Dit is YHVH se skietlood wat gebruik moet word. Om die woord van YHVH (Torah) te hoor (*sh'ma*), te bewaar (*sh'mar*) en te doen (*asah*) is dus om enige vorige denke en optrede onmiddelik te verander of dit aan te pas om in absolute ooreenstemming te kom met dit wat deur YHVH gespreek is.

Maar weinig gelowiges wil ten volle YHVH se Woorde *sh'ma*, *sh'mar* en *asah*! Talle hoor en lees YHVH se Woord, maar die bewaar (*sh'mar*) en die doen (*asah*) bly agterweë. In die verband skryf Gerrie Coetzee:

Ek het baie gewonder hoekom godsdienstige, "goeie" mense, nie aan יהוה se opdragte gehoorsaam is nie. Yeshua sê self: "My skape hoor My stem, Ek ken hulle en hulle loop saam met My" (Joh. 10:27). יהוה het 'n verbondsverhouding met Syne en hulle hoor Sy stem. Is dit dalk die rede dat mense, maak nie saak na hoeveel preke en boodskappe nie, steeds ongehoorsaam bly? Dit maak nie saak hoe glashelder 'n woord uit יהוה se boodskap is nie, mense kan nie gehoorsaam nie. Tradisie en die kerk se gebruike en leringe is vaster as die Woord self!! Hoekom? Omdat ons hulle vertrou het om vir ons die waarheid te bring, wat dan ook reg is, maar wat nou as ek sien dat daar iets is wat יהוה se Woord anders leer? Baie mense kan nie verander nie! Hulle het nie 'n verbondsverhouding met Hom nie! Hulle KEN Hom nie! Die godsdienstegees, wat 'n werklikheid is, blokkeer die boodskap; hulle kan Sy stem nie hoor nie en volg Hom nie. (God Van Die Verbond, p2 – Hierdie boek is gratis aflaaibaar by www.padwlewe.ch en word aanbeveel).

Ons eerste prioriteit moet dus wees om Vader se kennis en wysheid voortdurend te soek en dit in elke area van ons lewe nougeset toe te pas.

Hou aan om te vra en dit sal vir julle gegee word; hou aan om te soek en julle sal vind; hou aan om te klop en daar sal vir julle oopgemaak word, want elkeen wat aanhou vra ontvang en hy wat aanhou soek, vind en vir hom wat aanhou klop, sal oopgemaak word. Wie is daar tussen julle wat, as sy seun vir hom 'n brood vra, vir hom 'n klip sal aanbied; of as hy vir 'n vis vra, vir hom 'n slang sal aanbied? As julle, alhoewel julle boos is, dan weet om goeie geskenke vir julle kinders te gee, hoeveel te meer sal julle Vader wat in die hemel is, aanhou om goeie dinge te gee vir die wat aanhou om Hom te vra! Matt. 7:7 tot 11.

Ons moet onthou dat die ewige lewe is om YHVH Yeshua te ken!

Dit is die ewige lewe: dat hulle U en Hom wat deur U gestuur is, Yeshua, Die Gesalfde Een, sal ken, want U alleen is die God van Waarheid. Joh. 17:3.

Daarom moet ons eerste prioriteit wees om YHVH Yeshua te ken, naamlik om die Vaderhart te verstaan deur 'n geestelike intieme verhouding en om uit liefde alles te doen wat Hy van ons vra, naamlik gehoorsaamheid aan Sy liefdevolle onderrig en instruksies. Die basis van

ons verhouding met YHVH is gebaseer op ons kennis en insig van Sy Woord en om dit nougeset in ons lewe toe te pas.

Dit vereis dat ons 'n leerbare gesindheid moet hê. YHVH se Woorde moet soos 'n stroom lewende water wees wat aanhoudend vloei. 'n Onleerbare gees kan vergelyk word met 'n waterbron wat nie met vars water aangevul word nie en wat uiteindelik verrot sodat niks daarin kan lewe nie. Ons moet daaglik die vars invloei van Lewende Water in ons lewe ondervind, anders sal ons geestelik stagneer en dit word die ideale bron vir vormgodsdien. YHVH is die fontein van Lewende Water (Jer. 2:13 en Jer. 17:13).

Elkeen wat in My vertrou, soos die Skrif sê: 'Riviere van lewende water sal uit sy binneste vloei'. Joh. 7:38

Maar ons moet versigtig wees dat die water wat invloei nie besmet of vergiftig is nie!!

Bepeins en Bespreek

1. Ons bely dat *Yahuah is ons God, Yahuah is Een*. Die Christendom glo egter in die Drie-eenheid, naamlik drie persone van Vader, Seun en Heilige Gees. Is dit nie politeïsme (veelgodery) nie? Rabbynse Judaïsme, asook Islam, beskou hulle geloof as monoteïsties (eengodedom) en beskuldig juis die Christendom van veelgodery! Wat is jou geloofsoortuiging en hoekom? In die verband is dit belangrik om te onthou dat YHV-God is Gees en daarom is die Afgesonderde Gees die Gees van God. Die Afgesonderde Gees staan nie apart van YHVH nie, maar is YHVH – is een (*egad*) en nie twee nie!
2. Met wedergeboorte word jy deel van Israel (*Yisra'el*) en is dit volgens die betekenis van *Yisra'el* 'n verklaring en belydenis dat YHVH nou oor jou heers!

Skryf Dit Op Die Kosyne Van Jou Huis

Direk na die *sh'ma*-belydenis sê Moses die volgende aan die volk:

Hierdie woorde wat ek jou vandag beveel, moet in jou verstand, wil en emosie wees. Jy moet dit ywerig vir jou kinders leer en daarvoor praat as jy in jou huis sit, as jy op pad is, as jy gaan lê en as jy opstaan. Jy moet dit as 'n teken bind op jou hand en dit moet as 'n voorkopband tussen jou oë wees. Jy moet dit op die kosyne van jou huis en op jou hekke skryf. Deut. 6:6 tot 9.

Om YHVH se Woorde (Boodskap) op die deurkosyne van jou huis te skryf, is om 'n tuiste te skep waar jy en jou geliefdes shalom – vrede, voorspoed, gesondheid en vergenoegdheid – sal ondervind.

Hierdie woorde van Moses is ook die woorde van Yehua ons Messias. Sy woorde moet in ons hart – in ons verstand, wil en emosie – wees. Dit is volgens die belofte van die nuwe verbond, naamlik:

“Hierdie is die verbond wat Ek ná dié dae sal gee vir die huis van Yisra'el,” sê יהוה: “Ek sal My wette in hulle begrip gee en dit op hulle verstand, wil en emosie skryf en Ek sal vir hulle 'n God wees en hulle sal vir My 'n volk wees.” Heb. 8:10.

Daarom het Yeshua ook gesê:

“As iemand My liefhet, sal hy My boodskap gehoorsaam en My Vader sal hom liefhê en Ons sal na hom toe kom en by hom blyplek maak.” Joh. 14:23.

Maar let op die volgorde van Deut. 6:6 tot 9! Eerstens moet YHVH se Woorde in jou hart wees, naamlik: Dit moet deel wees van jou denke, en van jou wil, en van jou emosie. Dit moet deel van jou persoonlikheid en hoedanighede wees. Dan moet jy met ywer dit vir jou kinders leer en daarvoor praat as jy in jou huis sit, as jy op pad is, as jy gaan lê en as jy opstaan. Maar meer nog: Jou dade moet bewys lewer (bind dit as ‘n teken op jou hand) dat YHVH se Woorde in jou hart is en jy moet seker maak dat jy dit nooit vergeet nie (‘n voorkopband tussen jou oë). Ons moet ‘n doelbewuste poging aanwend om die Woord van YHVH voorop in ons gedagtes te hê en om daaraan gehoorsaam te wees deur dit te doen.

Dit beteken dat jou gedagtes (verstand, intellek) en jou hart (emosie en wil) en jou mond (woorde) en jou hande (dade) in harmonie met mekaar moet wees en hierdie vier saam moet in harmonie met die Woord van YHVH wees.

Dit herinner ons aan Ps. 1:1 tot 3 wat die voorskrif is vir ‘n welgeluksalige lewe op aarde:

Gelukkig (welgeluksalig) is die man wat nie lewe volgens die raadgewing van die wetsoortreders of staan op die pad van die sondaars of vertoef in die geselskap van spotters nie, maar sy vreugde is in die wet van יהיה en hy deurdink Sy wet dag en nag. Hy sal wees soos ‘n boom wat geplant is by ‘n waterstroom, wat sy vrugte gee op hulle tyd, waarvan die blare nie afval nie en alles wat hy doen, is voorspoedig.

Dit beteken:

- Moenie lewe volgens die raad van die goddelose nie; meng nie met hulle en volg nie hulle raad nie (Ps. 119:115).
- Vermy die weg van die sondaars; wyk daarvan af en gaan verby (Spr. 4:14 en 15).
- Minag nie die woorde van YHVH nie, want diegene wat ongehoorsaam is, is ‘n spotter van die Almagtige.
- Vind vreugde (behae, passie) in die wet (die Torah – onderrig en instruksies) van YHVH.
- Oordink dit dag en nag met die doel om dit toe te pas – te *sh’ma*, te *sh’mar* en te *asah*. (Spr. 6:21 tot 23).

Die resultaat van die praktiese toepassing van Ps. 1:1 en 2 is ‘n **welgeluksalige** lewe van voorspoed in alles (Ps.1:3). Dit is ‘n lewe waar dit met jou goed (**wel**) sal gaan en jy gelukkig (**geluk** - tevrede) en geseënd (**salig**) sal wees!

Deur te handel volgens Deut. 6:6 tot 9 sal jy ‘n vernuwing van jou gemoed ondergaan (Rom. 12:2). Dan sal jou hart (wil, emosie), woorde en dade in harmonie met mekaar en die wil van Vader-God wees. Dan vind ‘n innerlike verandering plaas wat uitwendig sigbaar sal word. Dan is elkeen ‘n ware tempel van YHVH waarin die Heilige Gees woon.

Om YHVH se Woorde (Boodskap) op die deurkosyne van jou huis te skryf, is ‘n herinnering aan die bloed van die geslagte lam wat aan die deurkosyne van die huise gesmeer was (Ex. 12:22 en 23) voor Israel se bevryding van die slawejuk van Egipte.

Yeshua se kosbare bloed tot sonde vergifnis en die Woorde van YHVH wat aan die deurkosyne van ons huise geskryf is, is om ‘n tuiste te skep waar jy en jou geliefdes shalom – vrede, voorspoed, gesondheid en vergenoegdheid – sal ondervind.

Bepeins of Bespreek:

1. Rabbynse Judaïsme voer die opdrag in Deut. 6:6 tot 9 ook letterlik uit deur ‘n *mezuzah* aan die deurkosyne van hul huise vas te sit en deur die dra van ‘n *tefillin* (gedenkseël) op die voorkop en linkerarm tydens gebed.

Die woord *mezuzah* beteken *deurpos* (deurkosyn, deurstyl). Dit is ‘n klein houertjie waarin sekere Skrifgedeeltes geplaas word en dan word die houertjie teen die deurkosyn vasgesit. Die gedenkseël, ook bekend as ‘n gebedsriem, bestaan uit twee klein swart leerhouertjies waarin sekere Skrifgedeeltes geplaas word. Die een houertjie word met behulp van riempies op die voorkop gebind en die ander houertjie word aan die linkerarm met behulp van riempies vasgemaak met een riem wat om die middelvinger gaan.



Voorbeelde van Mezuzah en tefillin

Beide die *mezuzah* en *tefillin* is Rabbynse tradisie! Dit dien as ‘n tasbare (sigbare) simbool van ‘n geestelike waarheid. Dit dien ‘n soortgelyke doel as die gevlegde tossels bevattende blou wol wat bekend staan as die *tzitzit* (*tsiytsith*) en die dra daarvan volgens Num. 15:37 tot 40 en Deut. 22:12 ‘n opdrag is. Die vraag is dus of die gebruik van die *mezuzah* en die *tefillin* as simboliek verkeerd is? Moet ons nie eerder op die Afgesonderde Gees vertrou om ons voortdurend te herinner nie? Lees ook die volgende teksverse: Spr. 1:8 en 9; Spr. 3:3, 21 en 22; Spr. 6:20 en 21 en Spr.7:2 en 3. Is die dra van *tzitzit* steeds van toepassing onder die nuwe verbond?

-O-O-O-O-O-O-O-O-

Ontvang YHVH se Woord met welwillendheid, maar ondersoek self die Skrifte of hierdie dinge die waarheid is (Hand. 17:11).

Shabbat Shalom.

Johan.

Epos: kontak@nuwelielied.info

Webwerf: <http://www.nuwelielied.info>

Kopieë mag gemaak en gratis versprei word, maar mag nie verkoop word nie. Geen veranderinge mag aan die oorspronklike teks aangebring word en dit dan onder die naam van Nuwe Lied Bediening versprei nie.